



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avgvstini Barbosæ I. V. D. Lvsitani, Protonotarii, Et
Ivdicis Apostolici designati pro Tribunali Nunciaturæ
Hispaniæ, ac insignis Ecclesiæ Vimaransenis Thesaurarij
Maioris, Collectanea Doctorvm, Qui ...**

Barbosa, Agostinho

Venetiis, 1643

6. Missa etiam ea, in qua nullus præter Sacerdotem, qui est publicus minister, sacramentaliter communicat, est publica, fitque pro toto corpore Christi, quod est Ecclesia.

urn:nbn:de:hbz:466:1-14108

missa voce, alia verò elatiore, in Missa pronunciarentur, instituit. Cæremonias item adhibuit, vt mysti-
cas benedictiones, lumina, thimiamata, vestes, aliaque id genus multa, ex Apostolica disciplina & tra-
ditione, quo & maiestas tanti Sacrificij commendaretur, & mentes fidelium per hæc visibilia religionis
& pietatis signa ad rerum Altissimarum, quæ in hoc Sacrificio latent, contemplationem excitarentur.

Vide Sor. in 4. dist. 113. quest. 2. art. 4. Alcin. de diuinis
offic. iii. quid significent vestimenta Diego de Guzman
de la excelencia del sacrificio de la ley Euangelica p. 2. Salzed.
ad Bernard. in pract. cap. 33. litt. A. Iacob. de Graff. in aureis
decis. p. 1. lib. 2. cap. 41. Bonacin. de Sacrament. disput. 4. quest.
v. ti n. puncto 9. num. 20. & disput. 8. quest. unica puncto 5. a nu.
43. Soar. tom. 3. disput. 82. sect. 2. & 3. Barthol. ab Angelo de
Missa dial. 5. num. 268. cum segg. Nugn. quest. 83. art. 3. dub. xl.
sim. Molica. in sum. Theologie moral. tract. 3. c. 10. nu. 9. & cap.
12. a num. 25. Balduin. jun. super opera controuers. Bellarmini

p. 2. lib. 4. cap. 8. de carem Missæ. Valer. Reginald. in praxi fori
penitent. lib. 29. a num. 159. cum segg. Raguc. de Missa in Ec-
clesia quest. 39. Serran. in exposit. Missæ sacrosanctæ præf. 2. De
Altaris, Cereorum, facrorum vasorum, ac vestium vtu,
antiquitate, & significatione, latè Fagundez in quinque
Ecclesia præcepta, præf. 1. lib. 3. c. 23. & nouissime frater meus
Simon Vaz Barbosa. de significati mysticis officij diuini &
sacrificij Missæ, vbi a cap. 12. cum multis segg. plura de signi-
ficatione vestium sacrarum, & a cap. 30. de cæremoniis
Missæ.

*Missæ etiam ea, in qua nullus præter Sacerdotem, qui est publicus minister,
sacramentaliter communicat, est publica, sit que pro toto corpore
Christi, quod est Ecclesia.*

C A P V T V I.

Præter quidem sacrosancta Synodus, a vt in singulis Missis fideles adstantes non solum spirituali af-
fectu, sed sacramentali etiam Eucharistiæ perceptione communicarent, quo ad eos sanctissimi
huius sacrificij fructus vberior proueniret: nec tamen, si id non semper fiat, propterea Missas
illas, in quibus solus Sacerdos sacramentaliter communicat, vt priuatas, & illicitas, damnat, sed probat,
atque adeò commendat, siquidem illæ quoque Missæ verè communes censeri debent, partim, quod in
eis populus spiritualiter communicet, partim verò, quod à publico Ecclesiæ ministro non pro se tantum,
sed pro omnibus fidelibus, qui ad corpus Christi pertinent, celebrentur.

Vide Fagundez in quinque Ecclesia præcepta. præcept. 1. lib.
3. num. 14. Ioann. Sanc. in selectis disp. 30. num. 8. vbi
colligit ex hoc decreto vberiorum fructum ex sacra-
mentaliter perceptione, quam de spirituali prouenire, & ex
Vasquez de Eucharist. disp. 212. num. 4. errorem putat in
Fide asseuerare, eosdem effectus percipi ex Sacramento
Eucharistiæ in voto, atque in re suscepto: addit non ob-
stare quòd supra seff. 13. cap. 8. dicatur suscipientes Sacra-
mentum in voto fructum eius, & vtilitatem sentire: est
enim sensus quòd fructum eius desiderij Sacramentum
suscipiendi, & vtilitatem sentiant; quòd acutè obserua-
uit Vasquez loco citato, ex Eucharistia quidem in voto
nullus fructus percipitur, nisi fructus ipsius operis meri-
torij, scilicet de fiderij Eucharistiæ.

a. Vt singulis Missis fideles adstantes, &c. J. Expresse Con-
cilium in præfenti supponit esse conueniens, laudabile,
& consulendum, vt quotidie Eucharistiam sumant fide-
les, dum optat, vt in singulis Missis adstantes communi-
cent, quòd sic intellexit sacra Congreg. Cardinalium in
declar. quæ habetur vol. 4. decis. Rotæ, prout illam referunt
Ioann. Sanc. in select. disput. 22. sub num. 19. & Hurtado de
Sacramentis, como 2. tract. de Eucharist. disp. 9. difficult. 22. vers.
Recentiores, in hæc verba: Obstat Concilium Trident. Episcopo
volenti præscribere certa tempora, vt dies Dominicos, quartam,
& sextam feriam, quibus tantum liceat viris laicis, coniugatis,
negotiatoribus, & mulieribus etiam non coniugatis sanctissimam
Eucharistiam sumere etiam ob irreuerentiam, quam potest quo-
tidiana huius Sacramenti sumptio in sua diuina parere. Hoc fuit
decisum in mense Ianuarij 1587. ob stare, quia antiquis temporibus
peracta consecratione omnes adstantes sumebant Eucharis-
tiam, & ideo licitum est quotidie Eucharistiam sumere, cap.
quotidie, de consecrat. distinct. 1. Quare exhortandi sunt
Fidèles, vt sicut quotidie peccant, quotidie medicinam accipiant,
cap. quotiescunque, de consecrat. distinct. 2. Vnde mul-
tis ad id adducti auctoritatibus, & rationibus moti licitum
esse, imò magis expediens quotidie facere Eucharis-
tiam suscipere illum, qui se paratum inuenit purum
absque peccato, & in gratia, asserunt R. P. Philipp. Bern-
ard. ex Ordine Præmonst. mei amicissimus in libro Con-
ceptionis B. Virginis disp. 3. fol. 40. Anton. Ferret. in guia

del camino para Iesus p. 3. dial. 5. fol. 801. Gabr. in canone Mis-
sa lect. 87. lit. P. Labata in locis commun. verb. Eucharistia prop.
18. 21. & 28. vbi reprehendit concionatores Communio-
nem quotidianam dissuadentes, Christoph. Moreno es
Iornadas para el Cielo, iorn. 4. cap. vii. in fine, Viuald. in can-
delab. aureo tract. de Eucharist. num. 139. latè & doctè Ioan.
Sanc. in select. disp. 22. num. 7. cum segg. Verum multo plu-
res Doctores eius iudicij sunt quòd communiter lo-
quendo non expediens sit laicis quotidiana Communio,
tum ob maximam reuerentiam tanto Sacramento debi-
tam, tum vt dignius, & deuotius sumatur: quia tanta
sumptionis illius frequentia ab eo, qui absque magna de-
uotione & preparatione, (qualis regulariter non reperit-
ur in omnibus cuiuscunque status) illud sumit non con-
gruit maximæ reuerentiæ tanto Sacramento exhiben-
dæ, vilesceret enim quodammodo ob tantam sumptio-
nis frequentiam absque magna preparatione. Ita Sor.
in 4. dist. 12. art. 10. conclus. 3. vbi quòd non confuleret se-
cularibus coniugatis, qui rei familiari inferuunt, licet à
peccatis mort. sint liberi, frequentius quam decimo quinq-
to die ad sacram mensam accedere. Hentiquez in sum. lib. 8. cap. 53. vbi approbat consilium de communicando
semel in hebdomada, aut bis in mense, Fr. Emman. in
sum. p. 1. cap. 65. in fine, vbi extendit ad semel in hebdo-
mada, exceptis personis singularibus, quæ comparentur
sanctæ Catherinæ, Vega in sum. p. 1. cap. 61. casu 2. en el
espejo de Curas tom. 1. cap. 10. num. 169. & 170. vbi idem di-
cit Petr. de Ledesma p. 1. sum. tract. de Eucharist. cap. 14.
conclus. 4. vbi idem ferè tenet, Suar. tomo 3. in 3. p. disp. 60.
sect. 4. Vasquez tom. de Eucharist. disp. 214. cap. 3. num. 27. idè
sentientes, Petr. Ochaguaia tract. 2. de Eucharist. quest. 16.
num. 4. Villalob. in sum. tract. 7. diff. 41. Ioan. de la Cruz
de Eucharist. dub. 6. conclus. 2. Bonacina de Sacram. disp. 4. q. 4.
puncto 2. num. 16. Filiuc. tom. 1. tract. 4. cap. 7. num. 198. & seg.
Possievin de officio Curati cap. 8. num. 10. Hurtado de Sacram.
tom. 2. tract. de Euchar. disp. 9. diff. 22.

Ex hoc tex. colligit Ludou. Beia respons. casuum conscient.
p. 4. casu 14. vers. confirmatur hoc ex Concilio, quòd licet
quilibet Sacerdos potest Eucharistiam administrare,
absque peccato sepius communicanti voluntariè, & ex
deuotio-

Alioqui
nec Fabianus
de consecrat.
dist. 1. Et si
nō. nec Cōc.
Eliberti de
cōsec. dist. 2.
c. Omnis ho-
mo: nec Ia-
Tolet. c. 13.
probasset
certis tñm
temporibus
communi-
cantes.

deuotione. Vide S. Ambros. lib. 5. de Sacrament. c. 4. Aegid. de Coninck de Sacrament. tom. 1. quest. 80. nu. 79. cum seqq. Iacob. de Graff. de arbitr. confess. lib. 1. c. 30. Victorel. in notis

ad Nauar. in man. cap. 41. pag. 110. Lorin. in Act. Apostol. cap. 2. vers. 32. pag. mibi 136. Ioan. de Lugo de Sacram. tom. 1. tract. de Eucharist. disp. 17. sect. 1. num. 1.

Causæ plures afferuntur ob quas præceptum sit Sacerdotibus, vt aquam vino in Calice offerendo miscerent.

CAPVT VII.

^a Carthag. c. 24. & Brac. car. 3. cap. 1. ex Cypriano lib. 2. epist. 5. ^b Apoc. 17.

Monet deinde sancta Synodus præceptum esse^a ab Ecclesia Sacerdotibus, vt aquam vino in calice offerendo miscerent, tum quod Christum Dominum ita fecisse credatur, tum etiam quia è latere eius aqua simul cum sanguine exierit, quod Sacramentum hac mixtione recolitur: & cum^b aqua in Apocalypsi beati Ioannis populi dicantur, ipsius populi fidelis cum capite Christo vnio representatur.

Vide Gulielm. Durand. in rationali diuin. offic. lib. 4. cap. 30. S. Thom. in 3. p. quest. 74. art. 8. vbi Nugn. vers. sit igitur conclusio, Stephan. Durant. de ritibus Ecclesie lib. 2. cap. 17. Henric. in sum. lib. 9. cap. 47. §. 27. & 28. Vivald. in candel. aureo, vbi de Euchar. c. 10. num. 3. Iodoc. Cocc. in tom. 2. thesauri Catholici lib. 6. art. 14. Iacob. de Graff. in aureis decis. p. 2. lib. 1. cap. 6. num. 17. Barthol. ab Angelis in examine Confess. dial. 4. §. 355. Azor. instit. moral. part. 1. lib. 10. cap. 3. vers. altera questio, Petr. de Ledefina in sum. p. 1. de Sacrament. vbi de Eucharistia, cap. 4. concl. 16. & 17. Vasq. in 3. part. disput. 176. num. 13. & disput. 179. num. 11. Moltes. in sum. Theolog. moral. tract. 3. cap. 2. num. 37. Aegid. de Coninck de Sacrament. tom. 1. quest. 74. art. 6. num. 128.

Bonacin. de Sacrament. disp. 4. quest. 2. puncto 4. nu. 4. Homobon. de Bonis de examine ecclesiast. tract. 4. c. 10. q. 85. & 86. & 87. Fagundez in quinque Ecclesia præcepta, præc. 3. lib. 2. cap. 4. quorum duo vltimo loco citati querunt, vtrum aqua immediatè in sanguinem Christi conuertatur, & an si vinum, vel aqua vino consecrato admisceatur, totum consecretur? nouissime Ioann. de Lugo tom. 1. tract. de venerabili Euchar. Sacramento disp. 4. sect. 2. à num. 22. Hurtado de Sacram. tom. 2. de Eucharistia disp. 2. difficult. 10. cum segg. vbi disputat, an expediens sit aquam vino conferendo miscere, & diffie. 11. vtrum aquam vino conferendo miscere sit necessarium necessitate præcepti, & diffie. 12. an mixtio aquæ.

Missæ non dicenda vulgari lingua, eius tamen mysteria populo sunt frequenter inculcanda per animarum curatores.

CAPVT VIII.

- 1 Missa quid, remissiuè.
- 2 Missa celebrari non potest materna, & vulgari lingua.

^a Thren. 4.

^a Scilicet 24. c. 7.

ET si Missa magnam contineat populi fidelis eruditionem: non tamen expedire visum est Patri-
bus, ^a vt vulgari passim lingua celebraretur. Quamobrem retento vbique cuiusque Ecclesie antiquo, & à sancta Romana Ecclesia, omnium Ecclesiarum matre, & magistra, probato ritu, ne oves Christi esuriant, ne paruuli panem petant, & non sit qui frangat eis: mandat sancta Synodus pastoribus, & singulis, curam animarum gerentibus, vt frequenter inter Missarum celebrationem, vel per se, vel per alios ex ijs quæ in Missa leguntur, aliquid exponant, ^a atque inter cætera sanctissimi huius sacrificij mysterium aliquod declarent, diebus præsertim Dominicis, & festis.

1. **D**E expositione Missæ breuiter agit Iacob. de Graff. in aureis decision. p. 1. lib. 4. cap. 47.
2. ^a Vt vulgari passim lingua celebraretur.] Materna, & vulgari lingua Missam celebrari non posse per hunc text. tenent Petr. Sot. lect. 15. de caremon. Missæ, Cardin. Bellarmin. tom. 1. lib. 1. cap. 2. vers. propositio, Balduin. iun.

ad eundem sub verbo propositio, versic. probatur tertio, pag. mibi 13. Barthol. ab Angelo dialog. 5. de Missa §. 461. Azor. institut. moral. part. 1. libro 8. cap. 26. quest. 6. versic. verum. Bonacin. de Sacrament. disp. 4. quest. vlt. puncto 9. num. 36. Emman. de Valle de incantat. & en salm. opuse. 1. sect. 2. cap. 6. num. 34.

De Sacrificio Missæ.

- 1 Sacrificium verum, & proprium offertur Deo in Missa, qui secus dixerit, anathema.
- 2 Christus illis verbis, hoc facite in meam commemorationem, instituit, & ordinauit Apostolos Sacerdotes, vt ipsi aliique Sacerdotes offerrent corpus & sanguinem suum.
- 3 Sacrificium Missæ est propitiatorium, & offerri debet pro viuis, & defunctis, pro peccatis, penis, satisfactionibus, & alijs necessitatibus.
- 4 Per Missæ sacrificium non derogatur sanctissimo Christi, sacrificio in Cruce peracto, qui secus dixerit, anathema.
- 5 Missæ celebrantur in honorem Sanctorum.
- 6 Canonem Missæ errorem continere si quis dixerit, anathema.
- 7 Missas in quibus solus Sacerdos sacramentaliter communicat, illicitas esse si quis dixerit, anathema.

e CA.